

皇明經世文編

皇明經世文編卷之四百八十一

徐孚遠開公 李 雯蔚章

華亭

陳子龍臥子 宋徵騭尚木

選輯

姚宗典文初參閱

熊經畧集

書

熊廷弼

荅麻西泉總戎

防守遼海檄宜

遼中諸虜在寧前者為賴，其力弱而攝乎薊遼之間，其勢為易制。又寧前無村屯，可槍雖有，沿邊各堡

堡中軍民多者不過四五十家。少者纔二十家。不足當薊遼兩賞十分之一。彼雖愚亦安肯舍大規小。且招我之夾勦而與我爲難。錦義之間。反青已物。故拱兔終有信行。旣款則不肯輕動。虎敦兔宰雖虜王子。而其年尚幼。不能管領諸部。正安近鎮城。虜亦未敢輕覷。而高平一望荒佃。越百里而捨則又虜之所諱。而不肯爲者。其于防禦皆似急而實緩。惟沿河諸虜。抄花父子。恃其強盛。結連宰煖。諸營每春深草長。悉衆牧馬于兩河間。居我肘腋。日夜窺伺。蝶起將退。定。

有一捨然後去。年年如此，毫不爽期。及去而歸，果甚遠。我卽欲搗之。一雪其憤，不可得。而比至冰結，又糾合西虜以窺我遼海。其難於防禦有如此。故春夏則三月至五月，而冬則十月至次年元宵，皆屬極緊月分。而大營人馬必不可不設防之時也。語曰：前事不忘，後事之師也。竊謂自茲以往，如前所云月分，空遣精兵二千騎，布置遼海之間，期至而往，期盡而還，以爲常度。其餘閑常月分，皆秋水泛濫，及草枯馬瘦之時，不必調發。以茲疲擾，至于河西地方，與鎮城聲息。

易接、每一將官所守。不過三四堡子。無村屯可護。第  
令收拾護城壕垣。嚴偵遠探。每堡貼本路步兵百十  
人。火器助防。自可為我固守。一二日。以待鎮兵之至。

似不必代為防守。但明與約曰。如賊至。爾營堡等官

不能堅守城池。一晝夜以待。我則惟爾之罪。堅守一

晝夜而我援不至。則惟我之罪。使人人知責任之無

所逃。設防之無可恃。皆承肩着力。以自為謀。而惟遇

有警時節。駐鎮兵一枝於杏山適中處。所以為寧錦

各路聲援。除皆照常。在鎮操練。養精蓄銳。以待策應。

必如此而後兵力不以四分五散而益寡人馬不以年暴月露而日疲各路既人自爲守而無卸責之心鎖兵亦人皆可戰而有敵愾之實此又未可與河東之防法同日而道也。

與麻西泉總戎

清查古種教場

昔晁錯盡禦戎之策終之以卒服習言操練也教軍塲爲此而設耳是故隊有隊所總有總所中軍有中軍所以愚論之操軍者不宜遽攢兵馬於一塊搖幾旗播幾鼓聲幾砲裝塘一衝寅集而辰遂罷也先宜

分地列隊。令各隊立其位下。每隊擇五人善射者。以一教九。隊與隊技熟矣。而後合之于總。總與總技熟矣。而後合之于中軍。大操焉。倣武場馬箭之法。每隊豎三把。令軍士穿盔甲。跨弓刀。馳馬而輪射之。使人與器相習。馬與人相得。猶未也。又中分各二十五人。爲主客。俱挽空弓。執連鞘刀。逐於一處。使知矢左則避右。刀右則避左。猶未也。隊與隊逐而合之于總。總與總逐而合之于中軍。然後分主客而大戰焉。逐於閑曠之間。候而合。候而分。候而止。候而馳。候而傾壁。

直驅。倏而分軍邀擊。當是時猶恐尺幅之地不足以容吾士馬。而擬其決驟也。况肯用之爲禾黍之場乎。所以前人設立教塲。寬者周圍七八里。五六里。窄者亦不下一二里。原有深意。而遼將弗知也。第謂搖幾旗。插幾鼓。聲幾砲。裝塘一衝。便是操法。虛演武廳前數丈之箭道。便足完吾操事。而此外皆空闊無用之地。于是種麥焉。種蔬焉。種蒔與豆焉。而將將相傳遂爲世產。占其軍以爲種地之人。占其地以妨操軍之事。而一旦馳不教之人以戰。宜其披甲如負板。控馬

如捉龍弦未引而矢先落、刀未抽而指先傷、敵未見而魂魄先飛、不知天之高而地之下也。夫如是奚而不敗。此鎮自寧遠公重來占種、教場不操一軍、各路尤而效之。十年于此矣。僕欲革者久之。仰惟老將軍廉能宿望、度越尋常、舍己從人、不分彼此。是以不知忌諱、僭有斯查。蓋不徒舉占種之敝風、從此斷革。亦欲使操軍之常套、併行改正。而以前項之操法、操之所以教兵、教將、曉然于練習之政。而一振其戎事也。

約諸將

兵馬操演

邊吏之弊、無事而苟安、有事而張皇、所從來矣。此中虜患、春秋二防並重、而秋防更急。目今夏盡秋來、風高馬勁、虜且乘我收成、復圖犯搶、而我則軍不成、軍馬不成、馬器械不成、器械射打不成、射打曾不思一爲料理、而惟高坐以待其來、嗟此予遺、其與幾何、近有謂僕者、營伍疲敝已久、一時整頓、實難爲力、此其說固然、顧以僕思之、軍誠弱矣、而就中精壯者固自不乏、未嘗挑選、不可謂無軍也。馬誠缺矣、而民間畜養者或不難尋、未嘗買補、不可謂無馬也。器械誠不

全不堅利矣。而製造各有所司。自可刻期取辦。未嘗收拾。不可謂器不足用也。射打技藝。誠生疎矣。而牛服馬乘。尚可訓習。未嘗操演。不可謂軍拙不可教也。前此一二十年。不一選練。以至今日。今又不然。復待何時矣。三馬同駕。而一馬病。則兩馬不前。言相累也。今每營強壯之軍。已不可多得。而復以老弱者雜於其間。無事而彼此相推。有事而勇怯同死。此何可不蚤自汰選也。兩人持器鬪。而強者鈍弱者利。則強者必傷。言所持勝也。今諸軍之本事。已是不濟。而又無

一利器以佐其拙射人而人不死。斫馬而馬不傷。此何可不早自收拾也。令甲總兵以下跟伴俱有定數。今每營擁精壯殷實者爲旗牌。答應牢伴門役不下數百名。而止以一種尪羸者充伍。每禁革則託言此皆從將官出征者。而不知若輩皆高冠綉褶。倚勢嚙軍。乃號頭隊長之所不敢仰視者也。責之操而入其伍。下責之戰而聽其督率不能也。此何可不盡歸入伍也。今諸君之言曰。吾非不欲收拾營伍。柰軍缺而以請不補也。馬缺而以請扣子銀撫夷而每匹止給

十兩且責其羨也。火藥缺而以請恐查盤短數不發也。弓刀缺而以請不卽給卽給而頑鐵無用不資局造者以鋼利也。吾武人也賤一再請而且怒且黜與其怒且黜也吾且混此情固有之獨不曰此爲戰需也。生死所係而不可以性命爭耶。若操演之事豈亦有請而不應者而亦經歲不行又何說也。古者將識軍心軍識將意不但知其姓名已也。又識其年貌而熟其本藝其強其弱其生某熟其工某拙一一記之於心而一旦有事呼其名而遣之無不立應也。今諸

君自旗牌答應半伴門役而外而記其姓名者有幾。識其年貌而知其本藝者有幾。甚有併旗牌人役而亦不盡識者。卽不幸而遇敵急難呼救。其人且私孝主將之不識已姓名年貌而望望然去之。不掉首一顧也。僕甚爲諸君危之也。

與徐耀玉職方

援遼兵馬

得翰教談遼事歷歷中竅卽身履其地亦不及此。建州變遲變速必有一日被門下一語道盡。僕私憂惴惴只爲此一節晝夜不敢放過。自春夏以來邊報數

數至、因地方不入塘報、以此不敢專言、言之恐以爲  
張皇、爲速叛、而第於他疏、微及之、卽如旬日內、復引  
重兵壓我境上、一而再、再而三、此舉動亦何可常也、  
存遼之術、舍召募之議、更無別法、然人情悠悠、不但  
司農不肯加餉、卽地方中亦無人認承、僕恐悞事、不  
得已、苟且收拾、敝兵羸馬之見在者、以爲支撐、今年  
之計、所兌寺馬、乞免扣價、極知爲格外之求、然不如  
此、則不如勿兌、賴貴衙門議召募、尚欲以數十萬餉  
望之計部、若於此而以常格自待、計部必且借爲口

實卽僕所見行修練急務亦以無馬自阻而不復振  
將復柰何又細看東虜意思將來不得遼必不肯已  
欲得遼必先取開原欲取開原必先併北關欲併北  
關必先與北虜合勢而其併之之法必先于新築南  
關內屯聚重兵無日無時得尺得寸而蠶食以逼之  
此其路也若開原增置重兵以固北虜之款助北關  
之勢沮奴酋之氣而又增兵于清河遼瀋間使渠內  
顧巢穴而不敢北出方爲得策蓋相度形勢知虜之  
必出於此而吾必不可不如此以待之非漫談也來

教謂南北岡寺、尚可括三十萬金、以應遼急、似應一面請發十數萬來、使地方官先行召募、不得借口無餉、苟安旦夕、以卸其責、而召募既集、糧草一不繼、是謂乏興、恐計部此時亦必有懼而不敢不應者、此以子投刺法也、惟留意

與李霖察本兵

召募利弊

召募之役、去春台議聚精銳以屯要害、至善也、後僕酌量緩急、以河西有鎮兵、邊路增置亦密、而河東列營獨疎濶、有事不相及、又奴氛甚惡、會議添協設將

獨於遼開致意焉。部署雖小異，而聚精銳以備戰陣之意，則未嘗不同。假令增募之數，得如原議，協成其爲，協路成其爲路，左提右挈，彼此相望，豈不成一軍容氣勢，而竟以訛言中輟矣。僅僅募得一半，而又填之于堡，領之以道，屬之于標下，兵旣不以合營，權又不以屬將，揆之事理，殊欠穩妥。又聞原募有關西二百餘人爲親兵，多亡命之徒，兇淫無賴，居民不保其室，而領兵千總亦西人，恃其不屬協營，與協守抗禮而曹弁爭之，遂致構成嫌隙，尤覺不便。竊謂文武同

城而處。便當悉以軍事相附。何必自己管領。無論臨陣不聽武官督率。卽設防各處無人鈐束。騷擾之苦。甚于夷虜。此地方中一害也。夫增兵者爲其合衆爲強。威夷狄而安百姓也。今東零西散。不爲夷狄威。而爲百姓害。則增之謂何。兵不成旅。而徒有副將遊擊之名。則添協設將之謂何。以愚計之。見募之兵。除遼陽道外。開原寧前兩處。當盡散遣。開原仍舊叅將。慶雲仍舊備禦。威遠仍舊堡官。不必留此半殘無用者。虛糜新餉。長爲人家口實。如慮兵勢散爲虜所乘。亦

須收堡兵解道兵還歸管路以合其勢其西人之在  
間原者仍應散遣再召遼人千數使新改副將遊備  
成一模樣總之此事只有兩說欲募則當募完以收  
增兵之利不募則當盡停以去蝕餉之害若不及今  
交與地方議一長便而因以責成之則今日受成之  
人非前日預議之人陰欲藉兵之力而陽且避增之  
名得濟則專其功而不濟則不同其謗他日之憂獨  
老先生與僕當之况糧餉難繼計部不認今雖勉強  
代爲措處其何能久此尤貴衙門他日無已之憂也

與五道

營馬

遼之不惜馬也。起於官不以法繩軍。而官與軍又圖馬死以爲利。帥曰馬不死。而吾所養之馬何以售。裨曰馬不死。而吾驗馬之錢。何以來。軍曰馬不死。而吾與馬戶通同。及闔族幫買之利。何以得。是官與軍無一人而不咒馬之速死者。馬卽欲不死。不可得矣。聞舊帥在鎮時。專養馬散軍以爲利。偶欲杖一倒馬軍。軍曰原發馬不堪。或至營。或未至營而死。非某罪也。帥語塞而釋之。堂堂大將軍。至不能杖一卒。又况追

椿銀乎。假令椿銀追之如數如法。則正兵營之椿不勝追而大將軍之語不勝塞。此舊當事者所以礙于顏情。而一切從寬政也。今既官爲貿易。以實馬給軍。自應照年追椿。以實法加軍。近來追法。似乎太少。少則軍不知畏。而以倒馬爲常事。至于闔戶幫買一節。甚爲軍餘苦累。尤宜亟加禁止。軍餘者。遺之根本。而○正○軍○有○以○則○以○軍○正軍之所自出也。留得此輩。一旦緩急。猶有所恃。皮之不存。毛將安附。昔人有成言矣。且既云官買。而又私聽其半索于戶。聞此爲何名。則何若明明派之地。

欽猶爲名正言順而不使人受此不明不暗之苦乎。若今之地無改今之俗。雖歲給年例百萬不能填死馬之壑。而况以千零萬落之人戶。填數萬饑軍之壑也哉。

### 再與五道

驛馬

遼左營伍爲驛遞所蔽極矣。往者行議誠欲求一堅決法子。割斷葛藤。使營驛判而爲二。以絕撥差之累。頃承教清差釐弊諸款。大抵皆目前調停。尚無截然一定之說。而至於中間條理節目。亦多所未詳。恐於

此事終無裨也。夫今日驛遞之所不足者，獨馬耳。驛馬不足，則營馬終不能革。有馬矣，而領養無人，苟必待勾原軍而後付之馬，何時而得到驛也。有軍矣，而養贍無資，苟不盡查其牧田而還給之，驛何藉而得存軍也。查本兵撫遼時，曾以驛馬不足，議動年例馬價，買補其大旨，以買驛馬以代營差，省營馬以備操用，是補驛馬，卽所以補營馬。况營馬不以差累，將來倒損自少，又能節省，以與驛遞通融。其顧馬一節，則以驛軍逃者未能遽勾，缺者未能驟補，就于附近該

此本兵指李臨案也，曾為遼撫。

管營內撥步軍頂補領養走差。此二說深得權宜。舍此而求。亦無別法。惟將步軍卽真頂補。尚覺未便。仍應速勾該驛正軍至日。換步軍回伍爲妥。而至于驛田。尤是驛軍根本。大半爲奸豪所占。驛之不振。全由于此。必須設法清查。盡還驛軍。其營軍暫領馬匹者。亦照數撥種。俟正軍至日付還。必如此而後驛能自立。營不受累。庶幾其有振起日也。

與關副憲海道

買馬宣大

宣大張家等市口。九邊大馬市也。夷中最信喇嘛僧。

僧每年易換夷馬或一二百匹三四百匹爲一羣至

則總估其直以六七兩科筭卽中有直二三十兩者

亦不另價彼中官民轉相貿易挾爲重利故雲中大

有言夷馬不可用者有言夷馬實可用者蓋各見

帥有馬販子之號而人乃有言其進墻卽死者此忠

其一爲不知貢馬市馬之不同耳

順營所貢之馬非僧馬也貢馬有定價不論老病瘦

小但可支撐入墻卽得領分官價而僧馬則皆肥滿

臙色與民間市易者若果如人言則今非燕臺索駿

之時彼中將帥與各處商人市此死骨何處發遣乎

然而遼中官只欲護住馬價買撫賞以媚夷遼中人

只欲留買本地。勒高價以圖利。往往持前說相混。而  
當事不知者。亦深信以爲然。此惟軍門與寧道曾宦  
于其地者知之。宜他人有所不知也。去秋差左都司  
往買八百餘匹。皆粗蹄大項。寬腰厚膊。最耐奔走。冬  
春之間。大得其用。今查守道所轄各營舊馬。缺至千  
匹。騎兵營新募兵一千六百餘人。及清河募兵。尚無  
一匹。而王鎮守官副將內丁共八百人。亦皆無馬。兌  
給。頃坐買官民自養所騎馬。應急。然僅得三四百匹。  
價甚高。而馬又不耐。此外復無可覓處。萬一秋冬虜

復大舉。徒步之人。何以應敵。今當發銀一萬五千兩。往宣大。速買之。擇其高大者入伍。抵價外。而以稍矮小者發驛。及市與民間。猶不失半倍利。此最便空事也。然一向躊躇。無人可託。惟萬副將化孚善相馬。宜大又其生長宦遊地方。熟經夷市。不受牙行欺。且與彼中各將俱相識。能以情讓。而其人又停妥。其家又素封。非以此爲利者。今夏防將竣。當遣之往。而第以遼陽一閑將爲之輔行。併隨行員役。速速詳報。以便早發。轉盼夏盡秋來。胡兒又至。舊道已去。舊撫將行。

新撫鎮尚無消息。遼陽半壁惟弟與一病副將耳。不得身任其事。預爲料理也。

答戴通判

馬政

承條議求寧監牧馬五款。鑿鑿可行。亦旣無遺議矣。顧又思之。天下有治人。無治法。雖有其法。而苟無其人。與無法同。雖有其人。而不責其事。與無人同。夫有其人。而不責其事者。遼東之苑馬寺衙是也。猶之乎衙屯田而不屯田。衙備兵而不備兵也。夫海道不歲分年例馬價近五千金耶。官名苑馬矣。又芻牧有場。

治事有監主簿監正圉長有官而所轄軍僅海復東昌蓋州數處且多緩者其監馬之不能充而又分年例焉何爲者也以愚論之亦直以其事責之而已矣歲額監馬一千二百匹除損耗外以一千匹爲率分五百匹于各道而以五百匹付該道自充所轄操備不許復分年例銀兩以自己所畜之馬供自己所管之軍官苑馬者卽不爲馬政計不敢不爲邊事計也其分撥各道者不必使軍零碎關支以滋賄俵之弊撫院每歲秋冬間檄該道總解廣寧過堂轉發各道

操備堪者收不堪者退官苑馬者卽不爲各道計不  
得不爲撫院計也載以考成定以分數年終兩院奏  
繳過數者紀錄不及者罰處官苑馬者卽不爲生息  
計不得不爲考成計也此貴事之說也僕嘗謂一方  
之利自足一方之用而人自失之遼馬嘗蕃庶矣吳  
孫權不惜南方珍物多方購誘公孫氏而不可得者  
總爲其多馬耳誌載國初養馬四十萬匹設苑馬  
太僕兩寺卿經紀其事其後歲久政弛生息虧耗始  
有年例之發乃近來年例以撫賞故不得盡市馬而

有可產馬者。又無一人爲之料理。可歎也。牧田五千五百餘頃。視屯田一萬一千分。可徵糧十二萬石。牧軍又領倉糧萬石。又牧丁六千餘人。歲可徵徭銀及官吏師生俸廩等項。約又二千餘金。是歲入可二萬餘金也。假令察若監。汰若官。徭若人。屯若田。徵若歲入。二萬餘金。以買馬。豈不歲得戰馬千數百匹。而乃今年俵數十匹。祭驛。明年俵數十匹。祭驛。記得則俵不則已焉。牧軍告則俵不則已焉。而又皆如狗如鼠之物。只此一事。而其餘可類推也。有其人而不責其

事此遼之所以不可爲也。

與王振宇總戎

修築邊城

前承教製演火器諸法當已通行各道。打造火器。修舉有日矣。至于末論修邊一段。千實萬實。他人爲大將軍者。誰肯說到此處。他人爲大將軍者。第曰我善爲戰。我善爲陣。殺賊而已矣。及說到修邊防以資守備。便以爲怯。而不屑出諸口。不知遼邊長二千餘里。左灣右曲。東隔西斷。其勢最難。應援而虜之去來。倏忽風雨。雖有兵馬設防。經年奔馳而不得與虜一遇。



前一帶若見正安以東。至三岔河。又踰河見海遼。瀋鐵開原一帶土脉。其決然以爲當築。又不知其何如者。我輩在封疆。只要幹實落事。今年誇戰功者。屠毒官軍驚恐。君父竟成何事。戚大將軍鎮薊時。何曾與虜廝殺。只修了一道邊牆。而至今稱其功。趙後將軍馳至金城。何曾與羗廝殺。只屯了兩年田。而先零困服。此兩公者。古今名將也。真是爲修邊屯田樣子。僕敢舉此以爲麾下望。亦深服麾下前劄爲實語。異日成就。可與兩公並驅後先也。

與楊滄嶼中丞

屯堡火器戰車

修屯之說見于去秋疏中詳哉其言之矣業已蒙  
旨允行而向來地方中全不料理及行查荒田數目  
有營衛稟示而屬令不得盡報者有言田若屯成戶  
部不發大餉軍兵專領倉糧不得實惠者而宋掌科  
又持兩說一要做李順衛水田故事一要做屯種橫江  
新地尤屬支離夫南北天時地利人情皆不同此中  
春夏少雨又土善滲而人又不習水耨且甚勞謂舍  
陸而水爲真任事蓋以譏僕任事不真也嘗聞其語

人云。西路荒田。既有二三萬頃。東疆新地三百里。如  
何。只有六百頃。六百頃者。勘疆疏中數也。卷據二十  
九年。委官張拱辰等。議令新民仍種夷地。逐畝量攤  
賞銀。以慰酋意。故有此數。而勘疏采之。高山崇嶺中。  
那得平地可屯。蓋以議僕漏報疆地也。其撓亂之事。  
大率類此。國初各邊。皆以屯田自給。兵食未嘗不  
足。迨後雖發年例。亦不甚多。而今則以天下全力奉  
九邊。中原之困極矣。從古夷狄之禍。莫如晉宋。猶以  
南渡支持百年。而中原百姓。一呼而起。雖強盛如秦。

如隋如元覆亡若反掌僕所以有懷竊恤妄意紆中原佐度支贍邊氓而不自知其不達時務也今已矣獨修邊治堡大于戰守有裨如此則十五利如彼則十五害灼然在前不能不有望于今日耳今春查算各道零竊起數河東自去年至今年二月開原遼陽兩道各十起海蓋道絕無河西寧前道五十二起分巡道八十四起所鈔累人數十倍於河東至有一臺軍而決至一二十次者堡官將官候類叅者亦如之蓋軍不勝決官不勝叅而詳亦不勝批也此有墻無



完固虜以二百騎環攻之不三時而臺上矢盡繼以  
塼磚。磚盡而束手下矣。假如虜以二三萬騎分投專  
攻。可半日而下我百屯。恐虜有去年長定之尅法在。  
不煩再計也。僕嘗謂臺圈止禦小虜散掠。難禦大虜  
專攻。禦專攻者。斷非置堡不可。而或者不以爲然。詢  
其故。則云萬一失事。臺固猶可。若去一堡。便是失陷  
城寨。地方官如何禁得噫。是何言歟。是何言歟。開原  
西北一望丘墟。惟二三屯巋然獨存。曾過而觀之。或  
磚堡。或土堡。皆有。貼堡壕三道。壕身皆茨榆纏結。而

外則多設葛把風障以樹疑。所以虜不敢偏。雖及邊。而反得存者。實賴于此。若使遼海俱倣此行。何不可。保守之有。至于騎射虜之所長。火器我之所長。戰車。雖于零竊。鷓槍。當日出入之賊。追堵有所不及。而大。虜數萬之深入。不去者。必得此物。而後足以制之。不然。雖合全鎮騎射火器之士。而終不能與之浪逐于。平原之下也。竊謂他處戰車。或可已。廣寧遼陽海州。三處。似宜置造。以防大舉。今春曾置雙輪車數輛。有。羊角單輪之輕快。而無其搖動。有舊制雙輪之堅穩。

而無其重滯。且安置火器多而不煩。前後宛轉頗利。于戰嘗見往年楊昶寨岫巖七里沙灘之役。虜橫行境內數百里。大帥統領全遼策應人馬二三萬。如鼠遇猫。藏頭膝下而不敢一喘。假令當日備有火器。戰車以騎兵彌縫其間。方陣而前。且打且進。何至不可逐虜。而縱令旬日從容。髡吾人而去也。今說者第曰戰車止可立營。不可合戰也。追堵不及事也。如使戰車而至。爲立營。止爲追堵。當日出入之賊。設也。戰車信無用之物矣。而又奚事哉。要之支持小虜。猶易爲。

力○惟○禦○大○虜○之○法○非○僅○決○不○可○以○守○有○堡○矣○而○無○火○器○戰○車○以○擊○之○則○我○不○敢○與○虜○戰○而○堡○終○不○可○守○非○火○器○戰○車○決○不○可○以○戰○有○火○器○戰○車○矣○而○無○堅○堡○以○待○之○則○或○立○陷○或○野○掠○而○火○器○戰○車○終○無○所○致○其○戰○此○蓋○相○為○表○裏○缺○一○不○可○者○也○

答瀋陽王遊戎

修屯

承示圖冊一覽如身親區畫快甚快甚井田之法溝塗封植左右縱橫周制寓兵于農伏至險于至順原所以限戎馬也行之于廣寧以東及海遼瀋關一帶

深于邊防有裨。但以此爲名。竊恐愚民驚惑。而世人無見識者。復笑爲迂濶。反爲不便。前日井田之式。不過欲照此筭。非謂照此行也。且地段可以井收者。井收之不可井收者。畝分之。惟將軍能心計。他人則不可與于此。恐此法一版定。而不能井收者。悉置之。不復報也。今第照民間見行步筭事例。筭報至墾種已定。然後下令沿邊軍民所墾田地。各就自己分下地段。不拘多寡。俱于四至堀溝。曲直其徑。以就車塗。庶幾其行易。而人始不驚耳。然此乃修屯以後事也。今

且不多及。

答李孟白督餉

海運

夫議通海運而並設陸運以防海運之不虞。允爲全慮。但陸運必不可行。蓋山海關抵遼陽約千里。內自關達廣寧數百里。皆岡嶺河礮。自廣寧達三岔河。又多沮洳。每小車載米三石。已盡人車之力。日僅行三四十里。計往回四十餘日。遼中店食價五分。不得一飽。每車兩人一驢。日約費銀一錢二分。是價銀五兩而得米三百也。去年遼海間往套運糧。取用民車民

牛幾激大變。今仍用之。誤耕農而拋荒地。遼怨未  
息也。自套起至遼至潘至關。鐵或二三百里。或六七  
百里。車牛已是累苦。况自關至遼千里之遠乎。卽歲  
計該糧七十餘萬石。總在蓋套起運。見在車牛已是  
置辦不前。而尚有餘剩車牛。到關洪運乎。駱駝惟寧  
夏極西一二地方出產。他處最難養活。與馬騾遍地  
出產而易養者不同。買及千頭。往返萬餘里。動輒經  
年。而養又未必活。卽活矣。而每頭短運可三石。若長  
運。月運。歲運。僅可一石五斗。而費視車牛所減能幾。

愚亦以爲未可也。然此猶可言也。自關外至杏山以北。一線之路。左海右邊。邊與路相去遠者十餘里。近僅四五里。一路墩烽失守。哨探俱絕。往往遠子裝我。巡路人役。截擄商民。今聞車夫騾馬在途。勢必聚衆來搶。我少發兵。不足護衛。多發兵。則往來奔波。計運糧十萬石。往返數百回。而人馬累死者。不可勝數矣。國初歲輓漕糧數百萬石。全由海運。委難常恃。故開膠萊運河爲穩久之計。然運道雖止。而淮登商民買賣來往于成山嘴之間者。固熟路也。今山東買糧旣

難如數勢必截漕于淮再截于天津而截漕于淮則成山嘴爲必由之路必犯之險卽不幸而稍或損失亦所不能顧者况糧少而行之以暫與國初事體不同至絕漕于天津則或由中道或由北岸徑趨葢套與三岔河起卸正不必從山海關起陸而犯前難也登糧至葢州套萊糧至三旗牛爲遠必欲盡卸葢州套海葢道之議良可允行若論愚見國初運糧自登萊旅順海葢三岔河入循遼瀋而北直抵開原之老米灣此故道也今卽不能抵開原而三岔河則



確確可到者。查蓋州套至遼陽二百七十里。三岔河至遼陽一百六十里。方謂蓋套比三岔河爲遠。而可更言北汎口也。總之登萊糧運。俱當定以蓋套收卸。爲主。至謂官運有限。民運無窮。欲聽商民自運貿易。寬其文法。許帶貨物一二。此富遼之策也。惟遼左河東河西千里。蹶脫。僅僅傍城就近耕種。而一歲所出。僅支本地一歲之用。如遇小歉。便作大耗。以別無來路也。去年頗有收。自客兵一到。米價斗值三錢。今春農作方興。忽遭奴酋虎慙兩禍並來。人人逃竄。誰敢

耕種及事小定，又苦無雨，比及獲雨而耕種又已過  
時，惟可種豆與雜糧，後面天時又不可知者。縱使民  
間蓄有餘糧，何可再括以餒饑軍，而况乎其無餘也。  
此其不可行，亦不必行者也。以上數議，皆據實款答  
以備採擇。至愚見，亦有欲請教者，謬附于後。夫運糧  
與用兵爲終始，今自敗衄以來，一人一馬，一甲一刀，  
一鎗一箭一銃，東邊一城一堡一墩一寨等項，俱要  
從新做起，而兵期未可卜也。然則運期可卜乎？似應  
急造海船爲經久計。假如造船四五百隻，費不過三

萬餘金。既可長用。而事完又可變價。此不可不預計也。漕糧米可常截。登萊兩郡未可全恃。則廣糴于淮陽一帶。由海道運順保河間。臨德一帶。由運河入海運。東薊一帶。由滌河入海運。以濟截漕登萊之窮。此又不可不預計也。前與官賜初偶計。遼餉歲該七十餘萬石。此每軍日計二升。專以本色言也。今聞尊意欲以本色兼折。三十五萬亦可足數。是軍口一升也。倉升視民升僅七合。何以飽軍腹。而銀又不可食。且軍日支餉五分。除米二升。尚有應支折色爲鹽菜薪

水之資。卽謂樂領折色。未有東腹減口一至此者。愚謂七十餘萬之外。尚望寬擬一二十萬之數。然後七十餘萬可保。其至遼而無虧。若拘定實數。一或差池。而所誤多矣。此又高明之所宜酌也。

答周毓陽中丞

約首討奴之非

台翰言馬帥密約宰煖卜三首殺奴討賞事情。何馬帥信之輕而見之滯也。用夷攻夷之說。從來有之。如漢誘南北庭自相屠殺。而我得乘敝以臣之之謂。非。餌虜而委曲求助也。唐餌匈奴吐蕃取天下復天下。

○○○○○○○○唐人有猛將將兵故可以用

此書用同賜未有

內方全不足

性而專仰于外美者

長安東都之掠。今古寒心。卽我

文皇帝用三衛靖

難。而在臂之斷。至今爲患。古名臣善用夷者。惟汾陽

一人。今有汾陽其人否。三首有感。思畏威如藥師羅

其夷否。慈首體面頗大。賦性頗直。要賞則挾賞。安能

嫗嫗作効勞語。以爲騶局。而宰媛狡鷲。慣作伎倆。彼

見春秋賞有成例。不便開口。故借此以增賞。賞一得

而歲以爲例。安問殺奴。卽質有親子頭目二三人。而

彼亦索我一官爲質。卽明明淪盟。我終未敢殺質。以

速霧。究亦被挾拱手而還之。攢刁說誓。此濫套語。遠

中何虜不攢刀。何日不說誓禽獸無耻。未足恃也。况就稟中情節。不止卜見亥子為可疑。即如所稱宰賽不欲煖。兎卜兒亥等知。臨時自來先討些賞。如宰賽差使往約北關解仇同盟。金白二酋謂宰西向無信實。且恐宰酋不忘前仇。誘兵於外。再有暗兵尅彼兩寨等情。是宰酋且瞞煖。卜先騙賞也。是金白且信宰

是時宰酋最點

酋不過。而恐其暗圖也。安望其為我同盟殺賊。而馬

此時金白情情形與三酋不同。金白與奴為仇。而三。

帥遽謂左聯金白。右連三酋。一鼓掃蕩。何言之易也。

前與奴比也。

即令各酋同心同盟為我殺賊。真確無疑。且問三酋

之師進于何路。欲繞北關之後。從東北角入。則三酋必以爲遠。欲從北關境過。則北關必以假道。欲從我內地直入。而我輩未敢保也。且問三酋之師進于何時。欲附大兵同進。而我兵將安在。甲馬安在。器械色色安在。約之此時。得無早計。欲如馬帥自言。帶領家丁。另一作用。竊恐未能圖奴。而反爲奴。圖吾輩亦未敢保也。况用夷而勝。有勝之害。不勝。有。不勝之害。無窮醜。讓未可悉陳。總之中國之體自尊。中國之力自全。偶一鈔挫。而遂卑辭厚幣。解狡鴛。不可知之虜。以

此王撫之所言而久廢

求其助守也無論中奴之誘與否而其取笑四夷貽譏萬世亦已多矣初入部門一二相知言及此者弟頗以爲非載承明問不敢不以直對但狡酋原欲借此効小勤驅實計今旣拗破勢必羞忿幸與馬帥善作善收切勿說明不用本意弟借北關不諧爲辭而委曲謝之或設他辭以緩之使其不疑不怒不然是一奴未已而又生一奴也。

皇明經世文編卷之終

皇明經世編

熊經畧集

卷之二

約首討  
奴之非

天

平露堂

皇明經世文編卷之四百八十二

華亭

徐孚遠閣公 李 雯舒章

選輯

宋徵璧尚木 周立勳勒卣

姚宗昌瑞初參閣

熊經畧文集

書

熊廷弼

與元掌科

論州間

自開原破鐵瀋一帶逃而遼陽孤注人言賊且造舟  
從遼河上流而下取遼陽可危也而弟謂不然賊從

鴨綠江出海繞旅順截糧道可危也。而弟謂不然。賊方欲斷三岔河浮橋。我不戍守可危也。而弟又謂不然。賊正不必出此也。賊直以強欺我無兵無馬徑取遼陽此其正也。或謂我兵稍集我人効死背城借一未必遽得志。若繞我之背出南衛而反斷遼陽于其北。南衛無兵必不支。而遼陽不待攻也。若冰合時從開原徑道橫趨廣寧。不兩日至城下。而反斷遼陽于其東。廣寧備虛必不支。而遼陽不待攻也。此其奇也。可危也。而賊未必出此也。惟自三路得利後。益以開

原。兵益多。財益富。使出其緒餘。指使虎墩沙宰輩。擾我河西。以及昌薊。而任賊肆力于河東。此其危誠有足慮者。來教謂救危急者。當先用間是矣。乃前得周毓陽書云。自許殺奴。說從宣大來。未聞虎酋挾賞時。有此語也。馬林中宰煖三酋計往返講說月餘。以懈我。而竟失開原。此又其不足信者。弟十年前千言萬語。只要收拾西北虜。以伐賊。交豈至今日反置此而不用。會當與該道及撫院商量行之。總之犬羊叵測。難可倚仗。何能使其殺賊爲我用。但間之而不爲賊。

此○著○自○不○可○少○

先○後○之○間○其○勢○異○別○

用足矣。至于救危實著，尚不在此。法家云：符用先天一氣，將先自己元神。我若兵馬壯寔，虜自爲用，不然而虜反借我以用此，又人衰鬼弄人之說也。

答李孟白督餉

海運

頃于玉田道中得展台函，三復大旨，謂陸運未可行，則天津截糧，永平召買，難以達于關外，而不知陸路有關，海中固無關也。同一海汊，形如菱角，登萊天津，蓋套各居一角，而舟行其中間，各指其所至而至之。所謂北岸者，猶天津之往登萊，稍傍南岸云爾。實由

海中徑望東行。稍向北轉而趨葢套。甚明白易見也。昨會薊州餉司李君。甚言海運之便。陸運之艱。及會薊州豐潤各州縣官。皆山東人。其說皆與李同。而豐潤李令又云。去年每一小車運草五十小束。至山海關。給腳價二兩八錢。至典賣車驢不得歸。後增至三兩。而車戶俱逃無應者。及問此車可載米幾何。答曰三石。是豐潤去關僅三百餘里。而運米三石。已費腳價三兩。若自關至遼陽千里。小啓前謂每車三石。止費銀五兩者。猶屬窄算。而沿路虜賊搶奪之虞。軍民

護送之苦。且勿論也。或曰。今年召買原少。故漫言海運。而假途陸運。以見其難。予必沮之。卽異日乏興。且有詞于子。而不知。目今登萊不數旬。已運至十數萬石。有成效。天津永平直向旅順。以達葢套。亦有舊道。海運自可行也。每晤登萊士夫。言彼處米極賤。小錢四十文。僅值銀四分。而易米一斗。當北直三斗。今歲又大熟。順永保河一帶米俱賤。而歲俱熟。召買自可多也。誠使及今設法。廣糴多方。募運。以至冬初。奚啻百萬。此區區之愚也。不過欲多運。以活軍命。省費以

節度支。而實未敢定沮陸運不行也。

### 答周毓陽中丞

用憇曾機宜

承教言前差人同通事赴憇營。未見憇面。說憇見今

此言憇者乃土墩。凡憇卽後之押衙也。

病還未好。上不得馬。將齋去諭帖收下。推無識字漢人。竟未觀看。又據劉世勳稟腦毛大諄諄要自舉兵殺奴。然事權在憇。恐難擅舉云云。仔細推之。恐憇非真病也。非真無識字漢人也。腦毛大亦非未曾與憇議也。或者憇知我之急在此。故作一不照管之狀。以要我腦毛大知我之急在此。故勸憇不照管而已。欲

照管以係我而圖遂其吃果之願也。竊謂憇既作此  
 不照管之狀以待我求我亦宜示一不緊要之意以  
 觀憇後憇果于宰賽有狐兔之悲。于煖炒有輔車之  
 慮。先存一個不容奴賊意思。而又利吾財不能捨。必  
 復與腦毛大商量遣使來關動我。我又因而誘之如  
 再作模樣我又因而緩之而憇又遣人動我我又因  
 而誘之許之然後緩急操縱之權皆在于我。無論憇  
 之殺奴真與不真我之用憇成與不成而我皆不失  
 其氣。若憇原無殺奴之意而全憑挑激恐憇未易動

使○我○求○彼○則○權○在○

○彼○使○彼○求○我○則○權○在○我○此○用○勞○不○易○之○法○也○

也。且以我激虜。不如以虜激虜。虜慙去。奴賊千里。兵過必假道于抄煖境上。若抄煖諸酋不以宰賽骨肉之憤。赴愬于慙。而借其兵。慙亦未肯遽動也。何也。情本不相關。勢亦不相及。前小啓謂慙未易使喚者。此也。此時能撥弄慙者。惟腦毛大。腦毛大殺奴之念。未必勝圖利之念。而我一足其圖利之念。恐遂懈其殺奴之念。且據稟我親去與慙商議。萬一不從。我起我大兵。及哈喇哈兵。願與助力。効勞。恐無慙箭傳調大衆而獨起所部。非奴賊敵也。只此一酋。中間情僞。尚費

籌度來教謂中間運用似不宜急。今日用夷妙法全在不宜急三字。乃日聞邸報紛紛言此得無欲速之甚而翻令吾輩益無所措。緩急于其後耶。

### 與官掌科

用西虜機宜

頃用夷攻夷之說。章滿公車。若調將百十員。徵兵十

欽制東奴先款西虜者楊瑞之議

餘萬。皆屬無益。而今靠此爲滅奴第一妙著者。誠如

也及四路之敗而謂永春復請賂抄花虎懸矣

是則經畧拱手受成事。而亦可免于徵調之苦矣。然

而撥諸事實有不盡然者。虎懸爲人無遠畧。雖族姓諸部。控弦約十萬。然皆自爲政。徒以名位相係。屬宰

賽與媛免抄花諸酋爲泰寧福餘種類非虎慙元孽也。雖附慙而亦不甚聽調度。宰賽與諸父弟姪多仇怨。今被擒莫有憐者。雖不無狐兔之悲。而諸營與賊俱有親戚往還。心旣不齊而力又薄。不能制賊。又不  
敢借兵于虎慙。引狼入室。致滋踐轢。虎慙于宰賽旣  
痛癢無關。又距賊千有餘里。風馬牛不相及。終料賊  
不能侵害已。誰肯無端替人興兵構怨。且西虜專用  
騎。利于平原廣野。而以施于山林險阻之地。與馬步  
兼用馬步矣  
兼用者。角恐亦不能猝得志于賊也。宋時交趾願出

此時奴

兵助討儂智高狄青奏言李德政聲言將步兵五萬騎一千赴援非其情實且假兵于外以除內寇非我利也以一智高而橫蹂二廣力不能討乃假兵蠻夷蠻夷貪得忘義因而起亂何以禦之請罷交趾助兵從之夫蠻夷情願助兵狄武襄尚不受况挾賄以求不願出兵之虜而爲四夷所侮笑此誠不可不慮也非謂用夷攻夷之說爲非是而以西虜不必挑激也陰間之而借以疑沮東虜則可明挑之而仗以討滅東虜則不可緩致之而出以有意無意則可急尋之

而使其日驕日挾則不可薄嘗之而視爲不緊要之  
餘著則可厚望之而靠爲第一件之勝算則不可要  
使張弛操縱令虜入吾彀中而不覺吾所以用之之  
意方爲得策至于此虜未必可用我今日未必能用  
○至○則○當時○尚○不○能○用○北○閩○况○西○虜○耶  
此虜做去自驗而今且不欲盡言也。

與周毓陽中丞

守藩兵馬

守藩之說誠人人能言之而不敢任也各鎮將固慮  
兵馬寡怯尤苦糧草缺乏卽餉司兩監軍及各道皆  
不敢擔承何也慮寡怯而畏不敢守猶得以軍令督

之。若糧草缺乏而饑不能守。雖有人敢往而軍令固無如此。餓軍餒馬何也。以此躊躇未敢輕易斷送。再喪軍實。寒遼膽以助賊勢。非專慮兵少引賊也。非甘令柴李與劉楊各將帥兵團聚一城也。非推其責于遼鎮總兵。而以西虜東夷重煩老年丈之分明也。且兵少引賊非謬慮也。設卽遣賀征夷及開鐵主將新舊主客兵馬專往守瀋。總計不過萬五、六千。喪敗之餘。以守坍塌極壞之城。而當數萬聚攻之賊。恐雖有柴李應援。而守者不能待也。何也。中固丁字泊之役。

固足監也。况卽此征夷一枝人馬，已缺糧草。賀帥屢攢眉，向右監軍道言兵饑馬損，不能當賊，而柴季恐亦不能以石填腹，爲征夷援也。弟到遼七閱月矣，僅十月十二月放本色，而內且有兼折色者。賀征夷一營馬匹，或存四百而死八百，或存七百而死八百，或存九百而死九百，猶曰將官不惜馬也。開道于自募兵馬，亦旣惜甚矣。原額一千九百七匹，而死除五百七十七匹，此糧草之缺乏，明效大驗也。去年併瀋于遼，而瀋固在也。非棄也。揆之當日賊勢，人情不得不

然。今年濟則確確當守矣。原疏十八萬。駿陽清河撫順柴河各三萬。鎮江二萬。金復海各一萬。而遼陽僅議二萬。且作外援者。謂各路以進兵據要害。持賊于境上。賊不敢入。犯遼陽。遼陽緩故止需兵二萬。非謂各路無兵牽制賊。賊得悉衆犯遼陽。而我可以二萬守二十里之南北兩城子也。撫順一路雖議用三萬。而疏中自有或三路牽制而陰併一路之說。非一路定止用三萬也。卽一路原議三萬。亦謂三路俱集。能彼此聲援。非聲援無一。而一路可僅僅三萬自完也。

今見在兵馬除贄畫新兵未敢算數外其餘則劉帥  
領萬餘分堞而守矣川兵一萬一千餘割營城外矣  
楊帥領山西募兵及新配義武九千餘皆烏合未練  
不能出防矣新到田萬年土兵未便據外撥矣此外  
則賀之一萬一千有奇柴李之各九千有奇而止耳  
守瀋須將前兵撥一萬登陴二萬拒戰于城外三萬  
分居奉集虎皮驛策應而遼城僅存二萬卽虛遼實  
瀋且不論而狼草缺乏實是無法區處此則惓惓仰  
其責

望于老年丈之所贄之者也。

與內閣兵部兵科

守藩兵餉道臣

前小疏言方畧部署四路分番迭擾或並進或陰併一路而三路張疑指兵衆旣集進取時言也今兵衆未集不獲如前算又無將見衆坐食遼陽聽遼東自消自盡之理不得不用扼要法專守濟路與賊相持俾賊不敢別有遠圖而後可保見在地方于無虞蓋清河城已屠殺陽寬奠民已散處村屯而其城皆空卽賊至得竄避山谷自便賊旣不獲如攻開鐵清撫城郭之利又憚藩兵逼近巢穴不敢遠入而久頓于

我內地。然後鎮江南衛。可保無恙。而北規東進。皆藉

守瀋所以守遼也。他日瀋陽一潰而遼隨之。

此始基。此瀋之所以不可不亟守也。雖然守瀋孤注

矣。

也。瀋之東南四十里為奉集堡。可犄角瀋陽。奉集之

西南三十里為虎皮驛。可犄角奉集。而奉集東北距

撫順。西南距遼陽。各九十里。賊如窺遼陽。或入撫順。

○此○猶○易○○

或入馬根單。皆經由此堡。亦可阻截也。不守奉集則

○于○四○路○布○道○當○時○何○以○終○不○能○應○

瀋陽孤。不守虎皮則奉集孤。三方鼎立。不各戍重兵

○

三二萬人。則易為賊撼。而遼陽孤。此兵之所以不得

不多。非可見在人馬辦也。瀋陽隔代子。渾河兩道。奉

集虎皮隔代子河一道。每山水漲，輒瀰漫七八里。月餘不消。又無船渡。苟不預爲兩三月之儲，而一日斷食，則立斃。此糲草之所以不得不預，非可陸續供饋應也。諸將帥精神不挺撥，則偷事體，不指揮，則誤人衆。不彈壓，則亂。此補道以駐瀋陽之不得不亟，非可尋常他道比也。四路部署之不得轉而出于扼要，守瀋已非本圖。若猶不得應手幹辦，而不肖無所效其犬馬矣。業已置孤軍于虎狼之側，處不得不守之勢。則廟堂之上，似亦處不得不應之勢。遼之存亡，國

之安危。在斯舉也。

與柴李賀三總兵

戰守方畧

往三鎮連駐虎皮三塊一帶。距賊巢一百二十里。卽有事未能猝到。而去遼陽僅六十里。聲氣又易接也。今瀋城距賊巢九十里。內撫順迤邐五六十里。皆爲賊據。實止三四十里。可搖鞭立至。而去遼陽且一百二十里。則聲氣之接又難。此兵法之所謂孤軍置之亡地而後存危地而後安者也。今據城立營。衛以戰車。威以大砲。環以深壕。匝以樹木。周圍層疊。固于鐵

桶雖十萬衆至。其如我何。古名將有提孤軍轉戰千里者。今以三萬之衆。守一斗大鐵包之城。何難何難。亦顧我耳目之明。不明營衛之劇。不周情意之調。不調志帥之尊。不尊精神之提。不提主意之定。不定何如耳。凡安設哨探。要遠不遠。而賊有情形。我不得早聞。又要周。不周。而賊從他道。我不及隄防。又要一路接連。不接連。而恐被賊中斷。又要不時暗查。不暗查。而恐軍打瞌睡。此所謂耳目之當明者也。每夜城外四面扎營。日高無事。始散修守。每日演放戰車火炮。

免使臨時脚慌手亂。每放馬不宜遠。不宜千百成羣。每伍或一人或二人。放馬五匹。遇晚挨次收回。有事一傳卽至。不得仍前撒放野馬。使賊至而馬不得到。馬失而官軍不知。每伍同鍋同寓同槽喂馬。不得仍前你東我西。致同夥不得互相覺察。將官不知軍士何往。又輪派將官。遇夜在營依放守宿。枕戈臥甲。以防不虞。凡百戰守事宜。書檄所不能盡者。皆一一謹備。毋疎毋漏。此所謂營衛之當周者也。今大帥與大帥盟。衆將與衆將盟。自矢同心。豈非佳事。及竊覩昨

爲城工丈尺與方鮑二將爭講兩事是大帥中尚有彼此而何況衆將一鎮下尚有彼此而何況三鎮此小小事尚忘歎血立盟之意若有大于此急于此者更復何望又如輪邊撥夜一鎮十日一次已欠停當及三鎮同遣又只聚在一處此豈同心之濟明是恐怕一處獲功故大家夥住圖相牽制耳竊謂平居同商量修守同幫助遇敵同奮勇斬級同功賞此可同也分遣撥夜及設法湊巧撲斬報功此不必同也又善同盟者貴在功業相勸過失相規今或有違錯皆

明知其不然而卻皆如不見者動曰我不好說得

必待賊到面前而後好說得耶陽和好而陰坐視其

以同心之言規切將帥可謂至論然芝尚後日亦

壞此一節最害乃公事夫事皆屬公而何分人我心

未能用此言以至功業不終

求相濟而何妨商駁此所謂情意之當調者也今軍

士不聽中干把號令中干把不聽將官號令將官不

聽大帥號令所謂漸上之師兒戲耳細看還是大帥

有些欠處若大帥安排有條理而官軍誰敢亂我約

束有紀律而官軍誰敢犯我凌駕有威風而官軍誰

敢玩我至于遇警臨敵又全在拿定主意而不亂如

前月二十九日、撫順邊砲一傳、而諸將卽率馬兵不

待整隊向東亂跑、假令賊兵果來、而此兵可往迎而

是○事○之○敗○敗○于○急○戰○耳○

堵○住○之○耶、區區愚見、原欲三鎮據城對打、勿輕開營

與戰、以老賊頓賊賊三日求戰不得、其銳自挫、而遼

陽各路或徑趨搗穴、或整隊赴援、賊聞必走、走必亂

而我尾其後、以乘其亂、兵法所謂擊其惰歸、此必勝

之道也、此吾之所謂主意也、若賊以大兵按營不動

而旁出以散捨村屯、則我亦照前所畫營圖擺設車

砲、軍伍不動、而間出騎兵以聚而擊、散捨之賊亦必

勝之道也。此又通于主意之外者。

答監軍道邢叅議

備禦瀋陽

前檄賀李兩帥照管平虜一帶。柴帥照管長勇長安一帶邊堡者。謂各屯兵在瀋。在虎皮驛。倘聞西虜人犯。則發兵策應。非謂分兵往邊堡設防也。乃柴帥則竟撥各將領兵駐防各堡矣。萬一東賊犯瀋陽。或綴瀋而犯遼陽。何以相及。樹柵濬壕。誠知軍士憊苦。而事勢有不得不然者。瀋城周圍一千四百二十八丈。每面營盤又各擴十五六丈。併四門戰車安置宜密。

作一千五百丈算每車一輛分中占地一丈五尺應  
用車一千輛每一丈五尺車專占地五尺而中空僅

寬一丈也一丈空內置鎗砲手兩排翼車而立以助

楚編兩之法

車砲之不及每排置軍五層更番迭打又置軍五人  
專管車上安放裝點諸事是一車用軍十五人共計  
用軍一萬五千人也城堞八百四十餘個每堞置軍  
二人豎旗張勢四望賊形以爲城下耳目是用軍一  
千六百八十人也每十人應用火頭一人是合前兩  
項用軍一萬八千三百四十八人也今查李賀兩帥

與毛兵瀋陽遊擊三備禦兵數除前項用過外尚有  
萬人可充遊兵者而柴鎮及鐵騎營兵馬不與也如  
以城南一而算之該面三百五十丈用車二百四十  
輛用毛兵三千六百人城堞二百五個用毛兵四百  
一十人火頭四十零一人而其餘皆遊兵也以兩帥  
二萬三四千人如南面守車守堞法算派三面而遊  
兵尚九千餘人不虞其少也夫抵守戰之法全要疎  
疎落落使人得展其手足若如來教二丈五尺空內  
用五十人擠住一塊便一毫動轉不得况一車之空

僅僅一丈亦未有二丈五尺寬也。前派信地賀管東北兩面李管西南兩面而毛兵則全在南城一面以一帥本等統轄外再攝毛兵分數既覺偏勝照管亦復難兼不如南北門以東付賀以西付李南門東門付賀西門北門付李而至于兩帥遊兵往來視賊所聚處而共以全力應之絕不可有東西南北之分又須左瞻右顧勿被賊賺聚一面得乘虛而進也城下車人安置之外馬道亦無多寬而周圍自不甚遠遊兵往來只宜用步不宜用騎假如以五千兵騎五千

馬決驟于一條窄道之下。而人馬攪做一團。寧復有  
置足處耶。况飛矢亂攢。馬驚而亂。更有可虞者。西兵  
遇敵逐急。則下馬立鬪。謂其蹙實而可用力也。此何  
獨不然。竊謂馬匹俱當逐隊逐伍。拴住城內。一傳追  
逐。則認隊認伍。騎而馳之。自不至于遲混也。西虜警  
報無時。瀋陽及三備兵。出入無常。不宜派在城守之  
數。不然則兵應乎西。賊出乎東。臨時派補守車排空。  
又不免于忙亂矣。今吃緊者。全在前札拿定主意。勿  
輕開營。膽氣要大。神情要閒。數語不在兵之多寡也。

兵法守半而攻倍。漢來歙以兵二千取畧陽。深入隗  
囂心腹。如今賊之所謂老寨者。囂合公孫述兵數萬  
攻圍。至矢盡。發屋斷木以爲兵。而屢月不下。卒以疲  
囂而隨。被破滅。劉錡赴東京任。過順昌。而金兵偶至。  
時城守一無足恃。倉皇用車輪城上。障蔽視。今之砲  
車木柵何如。而卒以五千兵破兀朮之數十萬。彼獨  
何人哉。而諸帥若之。何以千里畏人也。許算見兵。自  
足辦藩。無須調發。且與其聚處一城。使賊窺我兵之  
盡。在于此。而無外援。以困我。孰若在外。一犄一角。一

進一却以疑賊牽賊猶得因形借勢而微利于萬一  
○是年賊以九月犯瀋不列而去豈非前禦之得耶  
也惟門下與諸帥熟計而審處之方作字間報賊兵  
不知其數深入古城墩札營離瀋僅六十里已敕尤  
副將張尚兩標將馳應無何又以出境報得無嘗試  
而懈我耶此等舉動尤宜深防更語諸帥勿作賊恐  
我之進勦而故作此勢以疑我而自固者看也。

答監軍道邢叅議

守瀋排兵

承教丈地用人三排者此數步之內兵刃交接法也  
不得不密今倚城作營內高而外低壕深而岸峻而

又匝以不易填之壕不能動之柵柵外之矢不能及城。城下之砲可及柵百步之外。賊且不敢近柵一步

覺前算擺守之法方盡有餘如必用三排假如交接

于數步之內不將丈地十排而後可耶且今止用兩

兵法陣球而戰密惟其能疎所以能密也

排者正欲其疎以為遊兵地也。如一而面有急則遊兵

即于其疎處補以大砲及火鎗手而兩排之兵仍占

信地不動不亂若兵已排實雖有遊兵無越戰車排

兵而向外射打之理勢必那動排兵讓一射打之地

善陣者止是整耳

而排兵亂矣夫整則少可對多亂則多亦見少若必

那動排兵讓地射打。又不如竟將遊兵補足疎空。以  
免倉皇那移之亂。但其法太板而欠圓動耳。卽定以  
三排排五層。則此一千丈之空。只須五千人。而兩鎮  
及毛兵除前擺法外。尚餘萬人。卽于其內撥補疎空。  
尚餘五千餘人。卽除跟隨哨撥差使二千餘人。尚有  
三千可充遊兵者。若無此數。是將官隱匿逃故不報。  
而徒持虛籍爲侵餉計也。仔細籌度。還以丈地兩排  
疎活爲常。遊兵二千太少。須定四千人。平時散居四  
面。有事聚在一二面。卽于所餘萬人之中。擇其精者

充之亦自穀用無已。則將守堞一千六百八十人。撤下排營。而以南衛兵每堞二名充數。亦可至于守虎皮奉集爲瀋聲援。斷不可遲。况目今糧運車牛人夫往來商民絡繹道路。而馬匹撒放野甸者。又遠近彌望。萬一賊以二三千精騎徑衝大路。疾來疾去。風吹草動。其爲驚擾沮喪。所關尤非小可。頃聞柴帥人馬盡赴瀋陽。遼瀋一百二十里。竟成中斷。大是憂惶。無措。即使陸續些須兵到。亦須留作奉集之用。况遼城之大。兩倍于瀋。有奇。戰車僅五丈地一輛。而城下擺

虎皮奉集所以聯絡遼瀋也

守不及八千餘人。川兵又要騰那活動別用。有兵無兵。此門下所深悉。非不佞有所恡吝于其間也。

答監軍道高參政

揀步兵練車營

自正月以來。創設各局。打造戰車鎗炮。併各火器。又為請發內府神器。各邊火炮。晝夜處辦。殆無遺力。夫獨為守而已耶。誠欲揀步兵練車營。以火器之長勝。○以守為戰之故。其守不備。而戰必。○堅。他日。換。臣。日。不。能。守。所。以。當。戰。其。孟。浪。耳。○弓矢以步兵之長制虜騎。以土兵之長奪險阨為漸。逼漸進之計耳。日于濟奉發往車炮。不過暫借以自

衛。諸將遂安處家。當視為不可那動之物。大非初意。

是以有昨日團練車步之檄。西北將止慣搏弄馬兵語以步車之法。誠非所習。非所長。然天下無不可學之事。不可教之人。昔蒙古圖襲樊。劉整語阿朮曰。我精兵突騎。所當輒破。惟水戰不如宋耳。奪彼所長。造戰艦。習水軍。則事濟矣。乃造船五千艘。日練水軍。雖雨不能出。亦盡地爲船而習之。練卒七萬。遂破襄陽。沿江直下。而宋遂亡。夫北人不習舟楫。而元卒用以亡宋。試觀劉整輩。雨中盡地一段精心。那得不習熟。今車步非有難于舟楫也。而爲我之劉整阿朮者何。

人哉。前嘗密言兩鎮率騎兵結車營于撫順以持賊。而別用川土兵間道批搗。正與來教意同。但兩鎮相持之時。但遇機括。亦須進取。可曰吾未嘗練有步兵也。第止境上而不進。如必進則步兵信未可少。就已所轄之騎揀練爲步。信未可以已也。

答李孟白督餉

論屯田

來教謂今人以用夷屯田爲策者。西夷統兵殺東夷。必無之事。屯田先尋空地。彼尋閑人而議定。亦無期。不如聽其用者自用。屯者自屯。此誠委曲以調人情。

之說。弟非不惟策是聽也。夷果用。我可藉其兵。屯果屯。我可因其食。當邊鎮徵調中原轉輸一空之時。得此一助。以爲朝廷保殘疆。經畧救危命。尤其所欣然樂聽者。而無奈其行之不效。何也。夫不效可也。不自惟事體之本難。而惟咎協同之不力。一似經畧把持于其間。而不肯用肯屯者。夫非有胸有心人也。而肯如是耶。自四千金之一。委于塞外。而虜無感念。且多侮詞。各邊市之報帖。且在此。旣前事矣。河東開原一道。所轄無論已。遼陽平爲虜場。大路以西。在遼陽

隣處在蓋道隣海橫亘不過四五十里一縹巾邊熟地耳。大路以東皆崇山峻嶺東西橫四百餘南北長六七百里無長太平坦處也。自東北長白山發脉抵西南旅順海口而止。一路分枝開障每障爲一峪。每峪有一河水淙淙然石齒齒然而不可屯也。民皆依山居住。空山耕種今年空此塊種瘦又空彼塊顧安所得空地。昨東巡自奉集過清河歷寬靛至鎮江從鳳凰城甜水站中道而歸徑行千有餘里何處不見每馬上歎贊盡以鄉人且疏言親往寬靛屯田候

旨而策屯田者。揣摩于二千里之外。又何惑耶。若三

之議在當日不可行。而今日可行者。皆急而令緩。

岔河以西。委有空地。但高平一帶。先須開河數道。以

也。向使此老久任遼事。亦終當講求此利耳。

洩水。在寧錦一帶。先須增兵一二萬。以防虜。而其事

恐亦未易辦也。金人語宋人曰。待汝家議論定時。我

已過河矣。今者寔類于是。此時正經事。尚不暇給。何

暇爭執此事。惟恐當事者。恃此一段議論。謂必可行

而遂緩措餉之意。亦須早催部覆。差官查勘。或專責

督撫進止。以免于乏興之誤。事留則議多。此不可不

亟留意者也。敢因同心之教。而併瑣及之。

與監軍道高叅政

戰守十策

頃雖臥病，遊魂未嘗不繞瀋奉而北也。得年兄親往督視諸營，官軍自是警惕一番，而弟且得片時安寢于枕上，仰賴何似！賊大眾見屯撫順城下，去瀋奉各僅九十里，然邊裏五六十里，撥夜皆已撲盡，墩臺皆爲賊哨，名九十里，而實止三四十里也。月夜鳴鏑一聲可到，城下兩帥側身虎穴，隄防自不待祝。但恐防哨官軍如于文魁輩，必至于誤。前一回鄉爲弟言奴在邊露宿，時合營團坐，傳箭傳靴，至曉不輟，豈我軍

而反放心安睡耶。寧日間假寐，勿夜間失覺。兩帥與諸將當設法譏察，而提倣之。至于潘奉城下，尤當照行，勿以囑付多而反成漠漠也。此其一。賊之撲我撥夜也，或數人，或十數人，或數十人，或百十人，舉無遺著。諸鎮將見此，豈不心寒，豈不面頰屢屬令照賊算我。撥者還算賊，撥竟不見行。頃又許以中千把能撲賊，撥數十人者。卽陞將官。卽加總兵官。懸賞如此。而亦未見應也。豈謂擒賊須擒王而不屑于此輩耶。斷賊耳目。開我耳目。關係甚大。幸語兩帥督諸將亟圖。

之千把總之功。卽諸將之功。兩帥之功也。此其二。大砲戰車團練步卒。而夾之以騎。此塘衝涉險。進入賊巢之具。非爲守城設也。詳在前檄中。而西北諸將以不習爲辭。則阿木劉整以北人習水戰事。惟年兄詳告之。且問諸將他日進取。于險阻不能用馬。處當何施而可。幸與商一法子。見教此其三。今瀋奉浴城部署定操習熟。而守事備矣。當進而日日講求勦賊之事。步步算計尋賊之法。夫撫順我之城。馬根單一帶我之邊也。賊可來。我更可往。由遼陽而進守瀋奉。由

藩奉而進逼撫順。此始謀也。兵馬陸續漸集。今冬卽不進攻賊巢。可併撫順而不一往乎。往則家當作何樹立。駐劄作何鼎峙。遊徼作何分布。策應作何調遣。以至蓬帳刁斗。一應行營之需。皆不可不預備者也。此其四。操練之數。何月不行。操練之事。何日不說。乃諸鎮將自一二蓄養內丁外。皆視營兵爲無用。而不屑操。不惟不操也。且使爲內丁廝役。且奪其馬與內丁騎。而代爲喂養。及騎瘦又換。又奪。而營兵第終年。磨頰養瘦。而不過。夫軍無常強。主將鼓之強。則強亦

無常弱。主將摧之弱則弱。誠如是。雖使岳家軍到。今日亦將逃亡。乞丐不暇。而奚暇能軍。幸語諸鎮將。以視內丁之心。視營兵則無不强也。以收拾內丁之心。操練營兵則無不可戰也。一將官以百十內丁戰。何如以一二千營兵戰。一大帥以一二千內丁戰。何如以一二萬營兵戰。是大有益于自家者。此其五。今兵部動云。援兵到遼者十餘萬。屢欲查一確數。上疏催討。後兵竟不肯實報。豈以見兵果足而不欲我再討耶。夫侵扣逃故。錢糧以實已。如陳倫輩之所為。知諸

將所不敢，而必留逃故，以便募，則誘彼益此，惑軍心，亂營伍。亦今日弊政所當亟釐者。每報冊大帥憑各將，各將憑千把總，千把總憑字識開數。中間侵漁多字識串千把總分用，而各將或未盡知也。間有知而偶一染手者，碍口不敢言，又恐與每月支糧數不對，致惹究問，而不敢實報，不知但求此後清楚，不問從前過差，曾有誓言，何諸將之不相信若此。法曰：將識兵○心○兵○識○將○意○爲○將○不○識○管○下○軍○士○之○姓○名○而○貌○技○藝○數○目○而○但○憑○千○把○總○與○字○識○以○爲○多○寡○此○平○日○什

伍之法不立操練之道不熟也為大帥者不與有失

耶幸語諸將今查務以實回免滋駁擾而其本尤以

若伍法既精自然無影冒矣

立什伍勤操練為主此其六去冬今春馬死殆半前  
會咨討馬價十萬部中止發六萬除付一萬與商人

驍存信市買外其五萬兩見頓關上今所靠者惟此

見存馬匹若再不驗喂不知諸鎮將憑何馳突此時

草肥子實凡馬長臄全在七八兩月若過此失臄而

馬不能過冬矣夫馬軍之足將帥之足也不但立功

兼可救命此其七昨川兵東行前後參差一路騷然

奪民牛車運送，牛竟烏有，發防虎皮驛一帶，盡牧馬于民田，病中聞此，恨不按劍欲往，且恐不止，川兵爲然，去年大軍駐虎皮三塊石，害人田禾，開人糧窖，致使人逃地荒，此大將及諸帥所嘗過而見也，卽賊未猝平，亦須留幾庄民作官軍地主，亦一便事也，川將自稟軍法甚肅，而縱放竟若此，頃童副將不肯總攝已辭矣，會問，幸嚴加申飭，無試吾法也，此其八，法曰：知己知彼，賊有李永芳等，金之郭藥師，元之劉整，李文煥輩也，于我虛實險易，無不瞭然，而我獨聞處聞。

室無一亮隙可窺。今賊兵馬步若干。某子婿某頭目各轄若干。用兵誰智誰勇。領兵誰前誰後。誰爲奴賊所信。誰爲軍中所服。賊心是否懼勦。人心果否荒怨。關險何處難攻。何處易奪。地方何處可戰。李永芳等何計可招。何方可間。此皆大帥所當預求明白于胸中者。幸秘問之一一見教。此其九。前大帥及諸將歃血同盟誓共殺賊。此封疆之福也。近雖爲軍馬砲具彼此爭討。亦是自爲營伍著力。及十二日之役。而一提兵拒之于北。一率衆逆之于南。彼此相照。不約而

同，卽古人上殿相爭如虎，下殿不失和氣，何以加此甚聞而喜之。會兩帥幸爲致此意，仍期此後將官軍馬第聽公撥，不必預計，併此些須痕跡而亦泯之。豈不更和美，更妙適乎。此其十，以上款件，皆擬親與諸鎮將面相訂確，今病不能起，敬一一以託年兄商之。

與登萊道陶副史

海道運糧

頃陳中素直指附寄門下一稟，言收糧陰同知畏經畧如刀鋸鼎鑊，勒令山東運官將船盡赴三岔河交卸，當速爲變置，不可以一朝留，又言此河逼近虜穴，

卽前日遣人斫斷浮橋殺官役三百餘人之處，狼至  
搶掠殺傷，固自難保，且由蓋套至河三百里，一路淺  
碍，向無船行，無人識路，飄磕之患，又不可測云云，何  
信之輕而言之易也。奴遣人斷浮橋，殺官役三百餘  
人，是何年月，出何塘報，自蓋套至娘娘廟，由海汊中  
行，自廟入河，寬五六里，深不可測，何處淺碍，飄磕，何  
曾船行無路。此近日陳張兩同知親勘甚的圖說，甚  
明而運官爲是言以欺門下者，過也。不然，何船自天  
津中道樂亭北岸來者，皆由套至河不淺碍，飄磕而

當時の朝の臣の

宜の發の數の十の萬の千の登の策の召の二貝の米の色の絲の經の渡の海の亦の非の難の

事○何○付○地○運○之○而○決○至○既○行○海○運○而○尚○多○  
 東船獨淺碍飄磕糧從芝蔴灣及海口來者皆逼近  
○疑○慮○也○虜穴不捨掠殺傷而東人獨捨掠殺傷况據陳張兩

同知面稟六月初一日自套發船初二日即抵三岔  
 河岸今其言曰發去多船五六十日不見一隻迴還  
 不更說夢之甚耶蓋套至遼陽二百七十里三岔河  
 至遼陽一百五十里船運大者七百石小者三百石  
 車載兩牛者七石獨牛者三石五斗難易遲速不待  
 較量前者餉部會同督撫 題陞譚監正為通判于  
 三岔河專管收餉豈明知捨掠殺傷之不保淺碍飄

礪之難測而故欲置此以爲東人苦誠念車載道遠而取捷于此以稍分其難也。頃滯陽乏食二日不佞中夜痛哭亟檄運船分移三河交郟以圖捷速後餉部移書言糧以過海爲難多運一週爲幸若槩郟三河便少海運一週不如以大船載七百石者郟套載三百石者郟河庶幾兩便而不佞卽欣從之未肯過執若輕信捏詞遂欲變置一官而併以爲三河收郟諱非所願聞也。去年門下曾爭蓋套矣今日之三河前日之蓋套也門下雖未履其地但虛心以觀天津

樂亭海口芝蔴灣各處之如何而自可以折東人之  
交不待其辭之畢矣。

皇明經世文編卷之終